

Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

Apeqqut:

- 1) Aalisartut piniartut savaatillillu nuliaat aammalu arnat kisimiittut angerlarsimaannartut eqqarsaatigalugit meerartaarnerminnik erninersiutit tigusartagaat sooq allanut arnanut atorfilinnut sulisartunullu naleqqiullugit tigusartagaat meerartaarnerminni appasinnerusarnerannut suut pissutaappat? Tassami meeraq inunngortoq allatulli meeraavoq anaanaminik isumassorneqartussa.
- 2) Suna pissutaava aningaasat tunniunneqartartut aalisartut, piniartut savaatillillu nuliaannut kiisalu arnanut kisimiittunut angerlarsimasut sooq inuit taakku taaneqartut immikkoortinneqarpat?
- 3) Qulaani taaneqartunut aalisartut piniartut savaatillit nuliaannut aammalu arnanut kisimiittunut aningaasat erninersiutit qanoq annertutigisumik aningaasanik meerartaarnerminni erninersiuteqartinneqartarpat? Ersarissumik kisitsisinngorlugit annertussusii paaserusuppakka.
- 4) Tamakkiisumik arnanut allanut meerartaarnikunut atorfilinnut allanullu tunniunneqartartunut naleqquttunngorlugit annertussusilerlugit tunniunneqartalissappata aningaasat qassit pisariaqartinneqassappat aammalu suminngaaniit aningaasalerneqassappat?
- 5) Pissutsit tamakku meerartaarnermi atugassarititaasut assigiinngitsumik atugassaqartitsillutik Naalakkersuisut ilisimavaat?
 - a. Naalakkersuisut qanoq aaqqiissuseqarniarpat?
 - b. Arnat atugaasa assigiinnginngisinneqartut meerartaarnerminni atugaat pillugit allanut arnanut naligiissinneqalissappata aningaasat aaqqisoqarnissaanut qanoq annertutigisut pisariaqartinneqarnerisut ilanngullugit ersarissumik paaserusuppakka.

(Inatsisartuni ilaasortaq Hans Enoksen Naleraq)

Tungavilersuut:

Aalisartut piniartut savaatillit nuliaasa aammalu arnat kisimiittut angerlarsimasut taakkununnga meerartaarnermi atugassarititaasut arnanut allanut meerartaarnikunut ajornerusumik aningaasatigut atugassaqartitaapput illersorneqarsinnaangitsumik. Tassami meeraq meeravoq inuiaqatigiinni assigiinngisitsinermik misigitinneqartussaangitsoq sooq aaqqinniarneqanngillat tamakku pissutsit ilungersunartut qumooroortunut akikilliiniarnermik pingaanerulluinnartut puigorneqarlutik.

Apeqqutima ullut qulit (10) iluanni akineqarnissaat piumasaraara inatsisartunut siunnersuusiornissamut paasisutissat amigaataammata. Nutsernerani paatsuungasoqassatillugu kalaallisut allassimasoq aallaaviussaaq.